

Laboratoriu di storia
LU TEMPU DI LI
GJUDICATI

Adelasia
di
Torres



UN PASSU INDARETU

Dapoi di la cunchista di la Sicilia da palti di li mori, (IX secculu), la Saldigna s' isulesi da Bisanziu, custrignendi li guvelnadori locali (Judex Provinciae) a diffindissi automamenti.

Tra lu secculu IX e X, li tarritorii incumincesini a ulganizzassi in manera autonoma, cu' l'autoritai dicintrata in cattru regni.

Maccari si fussini fulmati primma, chisti regni cumparini in manera cjara illi fonti documentarii solu a paltì da la sigunda mitai di lu secculu XI.

Li cattru Gjudicati erani:

Lu Gjudicatu di *Gallura*

Lu Gjudicatu di *Logudoro o Torres*


Lu Gjudicatu *d'Arbaree*

Lu Gjudicatu di *Calaris*

LU GJUDICATU

DI TORRES O LOCUDORU

Tra chisti, lu Gjudicatu di Torres,
cjamatu finz'e di Locudoru, s'agattaa
illa palti a punenti, illu capu di supra
di la Saldigna.



Giudicato Di Torres

1. Nurra
2. Flumenargia
3. Romangia
4. Anglona
5. Ulumetu
6. Coros
7. Ploaghe
8. Nurcara
9. Caputabbas
10. Meiloghu
11. Nughedu
12. Monteacuto
13. Planargia
14. Costavall
15. Goceano
16. Montiferru
17. Marghine
18. Dore Orotelli

ADELASIA DI TURRA

LA 'ITA

Nascisi ill'annu 1207, fusi fiddola di Marianu di Turros e di Agnese di Massa.

Stesi la telza regina rignanti in Saldìgna dapói di la sóciara Elena di Gaddura e di la zia Biniditta di Massa.



ADELASIA DI TORRES: LA 'ITA

Illu 1219, candu aia 12 anni, si cuiuggja cu' Ubaldu Visconti (fiddolu di lu Gjudici di Gaddura).

Lu coju era palti di un accoldu fattu da lu Babbu (Gjudici di Torres) e Lambeltu Visconti (Gjudici di Gallura).

- Chistu coju no era rinfulzatu da un sintimentu d'amori ma era sustinutu da lu 'ntaressu economicu e sociali.
- Grazii a chistu coju la familia di frati Visconti s'agatta in una pusizioni di 'antaggju mannu pa' lu duminiu di lu tarritoriu.



Di chistu liammu noi, lu Papa no era cuntentu
pal nudda, palchè chisti dui familii s'agattesini
a cumandà tutta la palti a capu di supra di la
Saldigna.

Cilchesi di turrà a nudda lu coju, ma no vi
riscisi e vinisi cilibratu illa Gjesgia di
Saccargia. Onoriu III, tandu, scumunichesi li
sposi.



ADELASIA E UBALDU

Illu 1225 Ubaldu Visconti, fiddolu di Lambertu Visconti, ereditesi lu Gjudicatu di Gallura. Alzesi a lu cumandu di lu Gjudicatu di Cagliari, lu' lu nommu di Salusio. Illu 1232 lu **Gjudicatu di Torres** andesi in manu a Barisoni III, frateddu di Adelasia (suttu a l'appoggju di Ziu Itocorre di Serra). Illu 1236 **Barisoni fusi moltu** a soli chindici anni, da lu poppulu, in Sassari.

Moltu lu Gjudichi Barisoni, fiddolu di lu gjudichi Mariano, tutti li *Prelati* e li *Liberi* di lu Logudoro si riunisini in assemblea e eleggisini lu Gjudici Ubaldu. Adelasia di Torres (1235 - 1263) fusi ingjittata com'e successora da li *majorales*, li *nobbili* di lu gjudicatu, sighenti li dispusizioni lacati da lu babbu Marianu III, chi prividiani chistu illu casu undi Marianu fussia moltu senza eredi maschi.


LA 'ULINTAI DI UBALDU

Adelasia fesi attù di vassallaggju zidendi lu casteddu di lu Monti Acutu a lu 'escamu d'Ampurias. La scuminica di li dui sposi fusi burrata e priata di 'aliditai.

Ubaldu murisi a l'impruisu illu 1238, in *Silchi*. 💡

L'eredi appustatu pa' la Gaddura era lu fratri Gjuanni Visconti.

Pa' lu Gjudicatu di Torres no piddestini nisciuna dizzisioni, e lu puderi passesi di drittu in manu a Adelasia, chi divintesi cussì Gjudichessa di Torres.




Silki: Sirqui - vidda sparuta chi s'agattaa illu tarritoriu undi oggji vi so l'omonima gjesgia cu' lu monasteru, in Sassari.



GJUDICATU DI TORRES

ALBURU DI LA GJINIA DI ADELASIA, UBALDU E BARISONI III



Gonariu II di Torres
(+ 1147 circa)

Gjudici da lu 1112 a lu 1147



Barisoni II di Torres
(+ 1193)

Gjudici da lu 1160 a lu 1193



Mariano II di Torres
(+ 1232)

Gjudici da lu 1207 a lu 1232

La gjinia di li Torres

Cu' Barisone III si filmesì la gjinia masculina di lu Gjudicatu di Torres.



Barisone III Torres
(1221-1236)

Elettu Gjudici e moltu in Sassari la dì 24 di ginnaggiu di lu 1236 da lu poppulu. Murisi senza fiddoli,



La molti di Barisoni III, sigurammenti faurita da gruppi liati a Genova (Doria e Malaspina), signesi l'incumenciu di la crisi di lu Gjudicatu.



Adelasia di Torres
(circa 1204 -1259)

Eletta Gjudichessa illu 1236 dapoi di la molti di Barisoni II.



Illu 1237 Adelasia cunniscisi l'autorità di lu Papa Ggilgolu IX e lu Gjudicatu di Torres divintesi feudu pontifiziu.

Illu 1238, cu' la molti di Ubaldo Visconti Adelasia cunjuesi Enzo di Hohenstaufen, fiddolu di l'imperadori Federico II. Lu scioaru, puru tinendi a livellu fulmali lu liamu cu' lu Papa, fesi nascì una scuntintesa manna illa Gjesgia e pa' Pisa.





Barisone III Torres

(1221-1236)

Elettu Gjudici e moltu in Sassari la di 24 di gjinuaggiu di lu 1236 da lu poppulu. Murisi senza fiddoli,



Adelasia di Torres

(circa 1204 -1259)

Eletta Gjudichessa illu 1236 dapoi di la molti di Barisoni II.

Illu 1237 Adelasia cunniscisi l'autorità di lu Papa Gregorio IX e lu Gjudicatu di Torres divintesi feudu pontifiziu.

Illu 1238, cu' la molti di Ubaldo Visconti Adelasia cujuesi Enzo di Hohenstaufen, fiddolu di l'imperadori Federico II. Lu scioaru, puru tinendi a livellu fulmali lu liamu cu' lu Papa, fesi nasci una scuntintesa manna illa Gjesgia e pa' Pisa.



La molti di Barisoni III, sigurammenti faurita da gruppi liati a Genova (Doria e Malaspina), signesi l'incumenciu di la crisi di lu Gjudicatu.

Primmu coju

Sigundu coju



Cu' Ubaldo, Adelasia aunisi li giudicati di Torres e Gallura tutt'a l'ala di Pisa.

Ubaldo fusi lu 'eru riggenti e aesi puderi finz'a lu 1238, annu di la molti soja, impruisa.



Ubaldo Visconti

(+ 1238)

Gjudici di la Gaddura e Co-gjudichi di Torres.
Gjinia di la putenti familia Visconti di Pisa.



Enzo di Hohenstaufen

(1218 - 1272)

Fiddolu di l'imperadori Federico II di Svevia

Cujuendi Enzo, Adelasia si liesi a la casa imperiali. Chistu raffulzesi li lotti indrentu a lu Gjudicatu, faurendini lu declinu.

Nisciun fiddolu

Nisciun fiddolu



Nisciun sighimentu dinasticu

A la molti di Adelasia illu 1259 cumprisi la dinastia di li Torres.

Lu Gjudicatu falesi illi mani di li genovesi, di li Pisani, di li putenzii locali e di lu Papa.



LI PINSAMENTI DI LU PAPA

Lu Papa, in pinsamentu, dicjaresi cussì la 'ulintai soja:
ingjittesi a Petru II d'Alburea com'e tutori di Adelasia, chi distia
cujuassi cun Guelfo di li Pulcari : cilchesi di lià la Gjudichessa a
passoni devotti a la Sedi Apostolica.

Ma tuttu chistu no cumbinesi.

Adelasia apprufittesi di lu fattu chi Gjuanni c'era allonga e dizzidisi di no
cuiuassi cun Guelfu. Piddesi lu cumandu di lu Tronu di Gaddura com'e
battia di Ubaldu; finza a candu Gjuanni Visconti no turreni in Saldigna e
piddesi lu puderi innantu a lu Gjudicatu.

ADELASIA E ENZU

Li Visconti e li Doria fesini imbrogli pa' fà in maniera chi lu Papa no aissia abbeddu puderi in Saldigna, e di chista chistioni si nni 'mpaccjesi ancora Federicu II di Svevia.

Adelasia accunsintesi a cujuassi cu' Enzu (fiddolu carrali di lu 'mperadori), un beddu cioanu di diciott'anni.

Enzu e Adelasia si cujuesini, piddendi lu tittulu di Re e Regina di Saldigna.

Lu coju lu fesini illa Gjesgia palatina di Santa Maria di lu Regnu, in Aldara.

Gjilgolu IX turreni a scumunicà a Adelasia e lu maritu, palchè scuntentu chi la Saldigna no fussia più suttu a lu cumandu soju e di la gjesgia.



Enzu parò straccu di la 'ita di regnu e no cuntentu di chistu coju cun Adelasia, chi illu mentri era inviccjendi, no sendisi cujuatu pa' sintitu, dapoi di calche mesi da lu coju, illu 1239 ascultesi la cjamata di lu babbu pa' una campagna militari illa pinisula, e lachesi la Saldigna pa' no turravvi piuni.



Vinisi imprisgiunatu da li guelfi bolognesi e
filmesi prisgiuneri in Bologna pa' tutta la 'ita
soja.

Ma ancora siddu lu coju cun Adelasia
cumprisi illu 1246, Enzu sighisi a innummassi
Re di Saldigna finz'a a candu no murisi.




LU PUSSIDENTI SASSARESU MICALI ZANCHE

Zanche, sfruttendi lu puderi pa' li 'ntaressi soi, sighisi a fassi riccu, fendisi pacà li piaceri chi facia a li sudditi.

Chistu era da abbeddu tempu in mezu a camini mali, palchè già illu 1236, aia presu palti a la cunfaffa pa' ammazzà, in Sassari, lu Gjudici Barisoni III di Torres, frateddu di Adelasia.

Finzamenti Danti illa Divina Cumedia l'aia ammintatu, insembi a lu frateddu Comita, illu cantu XXII di lu 'nfàrru, in mezu a li baratterì.



LA FINI DI ADELASIA E DI LU GJUDICATU

Adelasia, abbandunata da Enzu, lachesi lu palazzu di Aldara e si ci cjudisi indrentu a lu casteddu di Burgos, spirendi chi li 'ussini turratu a nudda ancora chista scumunica.



Ill'annu 1245, burrecini sia la scumunica chi lu coju mattessi. Adelasia passesi l'ultim'anni di la 'ita illu casteddu di Burgos.

L'anni chi stesi cjusa indrentu a lu casteddu di Burgos, si cunfundini cun conti e foli, no v'è siguresa innantu a cosa sia cumbinatu avveru o mancu. Pari chi Adelasia, afflitta pa' l'abbandonu, patia di «una malatia chi li paria di esse murendi». Cussì pari chi sia molta, sighenti lu chi dici lu “Libellus Iudicum Turritanorum”.

<https://iris.unica.it/handle/11584/390828>



La Regina di Saldigna cumprisi li ciurrati soi in cumpretta pualtai e murisi illu 1259. La ritirata soja lachesi lu Regnu in balia di li 'icàri gjudicali chi lu distruggjisini e si lu paltisini.

Adelasia ingjittesi che eredi la Santa Sedi, e lu Gjudicatu di Torres vinisi paltutu tra frati Doria, frati Malaspina e frati Spinola.

Lu chi è filmatu d' idda s'agàtta, sigundu li conti, suttu a li pedi di l'altari maggiori di la Gjesgia di Santa Maria di lu Regnu di Aldara. Ma, è cjaru, no v'à siguresa innantu a chistu.



**LABORATORIU DI STORIA -
TEST D'ATTILBIMENTU
Livellu B2-C1**

*Adelasia
di
Torres*



SEZIONI A – Cumprinsioni

1. Palchì lu Gjudicatu di Torres si pó cjamà finz'e di Logudoru?

- A. Palchì Torres era lu nommu di lu Gjudici chi lu cumandaa
- B. Era cjamatu cun dui nommi chi si rifiriani a la mattessi riggjoni a punenti di la Saldigna.
- C. Logudoru era lu nommu anticu e Torres era lu nommu nòu datu da li Fenici.
- D. Li dui nommi currispundiani a dui palti diffarenti di lu mattessi Gjudicatu.

2. Palchì lu coju tra Adelasia e Ubaldu Visconti a lu Papa no li piacia?

- A. Palchì Ubaldu era già cujuatu cu' un'alta femina
- B. Palchì Adelasia era troppu cioana pa' cujuassi
- C. Palchì li dui famillii s'agattesini a cumandà tutta la palti a capu di supra di la Saldigna, troppu puderi in pochi mani.
- D. Palchì lu coju no era statu cillibratu in una gjesgia.



3. Cal'era Micali Zanche e palchì era una passona impultanta in chista storia?

- A. Un omu fideli ad Adelasia chi la difindisi da l'innimichi
- B. Un pussidenti sassaresu chi sfruttesi lu puderi pa' li 'ntaressi soi e paltizipesi a la cunfaffa pa' ammazzà Barisoni III
- C. Un Gjudici pisanu chi cumandesi lu Gjudicatu dapoi di la molti di Adelasia
- D. Un escamu chi cilchesi di ricuncilià Adelasia cu' lu Papa

4. Palchì Enzu di Hohenstaufen lachesi la Saldigna illu 1239?

- A. Palchì fusi scumunicatu da lu Papa
- B. Palchì no era cuntentu di la 'ita in Saldigna e paltisi pa' una campagna militari in pinisula
- C. Palchì lu populu ci lu buchesi da lu Gjudicatu
- D. Palchì lu babbu murisi candu aia diciott'anni

5. Comu cumprisi la dinastia di Torres?

- A. Barisoni III vindisi lu gjudicatu a li genovesi
- B. Adelasia lachesi lu tronu a Enzo di Hohenstaufen
- C. Adelasia murisi illu 1259 senza eredi, e lu gjudicatu si paltisi tra li Doria, li Malaspina e la gjesgia.
- D. Lu Papa dicjaresi lu gjudicatu feudu pontificiu e si lu piddesi iddu.

SEZZIONI B – Veru o Falsu.

Malca siddu la risposta è vera o è falsa. Siddu è falsa, scrii la risposta giusta illa riga sutta.

1. Lu primu coju di Adelasia vinisi cilibratu nella Gjesgia di Saccargia. VERU FALSU

2. Barisoni III, frateddu di Adelasia, murisi a soli chindici anni in Sassari. VERU FALSU

3. Illu 1237, lu Gjudicatu di Torres divintesi feudu di l'Imperu di Federico II. VERU FALSU

4. Adelasia passesi l'ultim'anni di la 'ita cjusa illu casteddu di Burgos. VERU FALSU

5. Enzo di Hohenstaufen spunisi di cjammassi Re di Saldigna dapoi di aé cjusu lu rappoltu cu' Adelasia. VERU FALSU

6. Danti Alighieri ammintesi Micali Zanche illa Divina Cumedia, illu Paradisu. VERU FALSU

CURRIZIONI E RISPOSTI GJUSTI (pa' l'insignanti)

Sizioni A

- A1 B – Li dui nommi si riferini a la mattessi riggjoni a punenti di la Saldigna.
- A2 C – Li dui famillii Visconti-Torres s'agattesini a cumandà tutta la palti di supra di la Saldigna e lu Gjudicatu di Cagliari.
- A3 B – Pussidenti sassaresu chi sfruttesi lu puderi pa' li 'ntaressi soi e paltizipesi a la cunfaffa pa' ammazzà Barisoni III.
- A4 B – No era cuntu di la 'ita di regnu, no sendisi cujuatu pa' sintitu; ascoltesi la cjamata di lu babbu Federico II pa' una campagna militari.
- A5 C – Adelasia murisi illu 1259 senza eredi, lu gjudicatu si paltisi tra Doria, Malaspina e Spinola.

Sizioni B

- B1 VERU – Lu coju tra Adelasia e Ubaldu vinisi cilibbratu illa Gjesgia di Saccargia.
- B2 VERU – Barisoni III murisi a soli chindici anni a Sassari.
- B3 FALSU – Illu 1237 lu Gjudicatu divintesi feudu pontificiu (no di Federico II).
- B4 VERU – Adelasia passesi l'ultim'anni illu casteddu di Burgos.
- B5 FALSU – Enzo sighisi a cjamassi Re di Saldigna finz'a la molti soja, macari lu coju cumprisi illu 1246.
- B6 FALSU – Danti l'ammintesi illu Cantu XXII di lu 'Nfarru (Inferno), no illu Paradisu.